

Centrotours

NAPULJ

NAPULJ - POMPEI - VEZUV - SORRENTO - POSITANO - AMALFI - RAVELLO - CAPRI

DIREKTAN CHARTER LET IZ MOSTARA

GARANTOVANI POLAZAK!

27.04-01.05.2024.

5 DANA/AVION

Napulj - treći po veličini u Italiji sa oko 1 milion, a u širem području čak 4,2 miliona stanovnika i glavni grad pokrajine Campagna. Napulj inače zovu grad sunca i grad svjetlosti, rodni je grad čuvenog arhitekte Berninija, a historijsko jezgro grada pod zaštitom je UNESCO-a. Pored službenog talijanskog jezika u gradu se govori i tradicionalni napolitanski jezik. Napulj je vjerojatno „najtalijanski“ talijanski grad, najglasniji, najžustriji, najtemperamentniji, najživljiji... Zadnjih godina doživio je transformaciju i sada je jedan poseban talijanski grad, sa živahnim i prijateljskim stanovnicima.

Pođite sa nama u Napulj prvim direktnim letom iz Sarajeva, posjetite historijski poznate Pompeje te romantični Sorrento, šarmantno ostrvo Capri, utočište rimskega imperatora, španskih Bourbona i mnogih poznatih slikara, pisaca i ekscentrika...

PROGRAM PUTOVANJA

1. DAN, 27.04.2024. (SUBOTA), SARAJEVO – MOSTAR – NAPULJ

Okupljanje putnika na dolaznim peronima autobuske stanice Sarajevo u 6.00h. Polazak autobusa za Mostar u 6.15h. Vožnja preko Konjica i Jablanice do Mostara. Dolazak na aerodrom u Mostaru 08.45h. Prijava na let i polijetanje za Napulj u 10.20h sa dolaskom u 11.15h. Nakon carinske i pasoške kontrole slijedi panoramski obilazak grada: Teatro di San Carlo – galerija Umberta I – Piazza Plebiscito - Castel Nuovo – Kraljevska palata. Bučan i pun ljudi, uzbudljiv u svom haosu, Napulj ima sve što mu je potrebno da bude grad koji trebate vidjeti: iznimne građevine, odlične muzeje i kosmopolitski polet, gastronomiju ne treba spominjati. Transfer do hotela. Smještaj u sobe. Slobodno poslijepodne za individualne programe.



SARAJEVO: Centrotrans d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO: Ferhadija 16, telefon: 033 407 407, fax: 211 282; Put života 8 (Autobuska stanica), telefon: 033 214 959; Bulevar Meše Selimovića 97 (zgrada Općine Novi Grad), telefon: 033 407 660; Kurta Schorka 36 (Međunarodni aerodrom Sarajevo), telefon: 033 407 661

ZENICA: Maršala Tita 63, telefon: 032 409 409 **Viber/WhatsApp:** +387 61 376 644

www.centrotours.ba ID broj 4200153220003 Licenca broj: 07-05-22-13612



2. DAN, 28.04.2024. (NEDJELJA), NAPULJ – POMPEI – VEZUV – NAPULJ

Doručak. Nakon doručka slijedi obilazak jednog od najčuvenijih arheoloških nalazišta na svijetu, ostatka drevnog rimskog grada kojeg je erupcija 79. godine nove ere uništila i prekrila doslovno metrima vulkanskog pepela, zbog čega je grad koji je brojao više od 20.000 stanovnika u svoje vrijeme ostao odlično sačuvan skoro 1700 godina kad je slučajno pronađen! Budući da je erupcija zatekla sve građane Pompeja, do danas su nam ostale vidljive naznake kako se živjelo prije skoro 2000 godina. Iskopan je veliki dio građevina pa se prilikom posjete mogu videti kuće, fontane, forumi, pozorišta, kupatila. Slobodno vrijeme za ručak (uz doplatu).

Slijedi obilazak Vezuva, jednog od najpoznatijih aktivnih vulkana. Po dolasku slijedi 20-minutna šetnja do kratera vulkana, koji se nalazi na 1.200m nadmorske visine. Posljednja veća erupcija vulkana bila je 1944. godine i od tada Vezuv miruje. Stanovnici Napulja navikli su na život sa stalnom prijetnjom tog zastrašujućeg vulkana i nadaju se da će uskoro i doći do erupcije, jer su iste tim jače što su duži vremenski rasponi između erupcija. Pogled s Vezuva na Napulj i njegov zaljev je jedinstven i spektakularan! Povratak u Napulj. Slobodno vrijeme. Navečer optionalno odlazak javnim prijevozom na utakmicu italijanskog prvenstva Napoli – Roma! Povratak u hotel. Noćenje.



3. DAN, 29.04.2024. (PONEDJELJAK), NAPULJ – CAPRI – NAPULJ

Doručak. Nakon doručka slijedi fakultativni cjelodnevni izlet brodom na ostrvo Capri. Vožnja autobusom do luke Beverello gdje se ukrcavamo na hidrogliser do ostrva Capri (cca 1:20h), popularnog odredišta međunarodnog jet seta. Capri je poznat po bujnoj mediteranskoj vegetaciji i očaravajućem pejzažu. Po dolasku u luku Grande Marina vožnja minibusom do Anacaprija, gdje predlažemo posjetu vili San Michele, s mnoštvom antičkih artefakata i prelijepim vrtom ili vožnju žičarom (uzdoplatu) do vidikovca Monte Solaro s jedinstvenim pogledom na ostrvo i Napuljski zaliv. Nastavak vožnje i razgledanja mjesta Capri smještenog 142m iznad mora; Piazzetta okružena srednjovjekovnim kućama i ostale znamenitosti ostrva: Certosa di San Giacomo, Giardini di Augusto, Via Krupp... Slobodno vrijeme za ručak u jednoj od tipičnih taverni, te uživanje u ljepotama ovog čarobnog mjesto. Ne propustite! Povratak u Napulj. Noćenje.



4. DAN, 30.04.2024. (UTORAK), NAPULJ – SORRENTO – POSITANO (PANORAMSKI) – AMALFI – RAVELLO – NAPULJ

Nakon doručka slijedi cijelodnevni fakultativni izlet autobusom na Amalfijsku obalu - Amalfitanu, spektakularnu turističku destinaciju, smještenu na strmim obalama Tirenskog mora. Vožnja autobusom do Sorrenta i dalje zavojitom cestom, uz plantaže limuna, do Positana, grada s karakterističnim kućama izgrađenim na strmoj obali, poznatog motiva mnogih razglednica. Kraće zaustavljanje za fotografiranje iznad mjesta (ne ulazi se u centar mjesta). Nastavak vožnje do grada Amalfija, najpoznatijeg mjesta na obali. Od glavnog trga, s njegovom fontanom, uspiraju se stepenice do bronzanih vrata katedrale iz 11. vijeka koja daje pečat tom ljupkom gradu, a u čijoj kripti leži njezin svetac zaštitnik, apostol sv. Andrija. Slobodno vrijeme za kafu i ručak. Putovanje nastavljamo usponom do mjesta Ravella, gradića smještenog na 350m nadmorske visine, s prelijepim pogledom na obalu. Ravello je oduvijek privlačio umjetnike, bogate i poznate, a danas je ovo malo mjesto kao i cijela obala Amalfi pod zaštitom UNESCO-a. Razgledanje mjesta: katedrala, villa Rufolo iz 13. vijeka (uz doplatu), auditorij Oscar Niemeyer... Povratak u Sorrento, grada smještenog na litici, s pogledom na Vezuv. Šetnja uskim kamenim ulicama i slobodno vrijeme za večeru. Povratak u hotel. Noćenje.



5. DAN, 01.05.2024. (SRIJEDA), NAPULJ – SARAJEVO

Doručak. Slobodno jutro za posljenje šetnje, obilaske i kupovinu. Transfer do aerodroma. Charter let za Mostar u 19.00h, sa slijetanjem u Mostar oko 19:55h. Slijedi transfer autobusom do Sarajeva. Dolazak u Sarajevo oko 22.30h. Kraj putovanja.

CIJENA: 1.295,00 KM/osoba za prvi 10 mesta.

Regularna cijena iznosi 1.395,00 KM.

U cijenu je uključen popust za gotovinsko plaćanje.

CIJENA OBUHVATA:

- Bus transfer Sarajevo – aerodrom u Mostaru – Sarajevo (za putnike kojima je potreban)
- Avio prijevoz na relaciji Mostar – Napulj – Mostar (20kg čekirani prtljag + 7kg ručni prtljag),
- Transfer aerodrom – hotel – aerodrom,
- Smještaj u hotelu Futura 3* ili sličnom (Regija Napulj, italijanska kategorizacija) u dvokrevetnim i/ili trokrevetnim sobama na bazi 4 noćenja s doručkom,
- Ulazne takse u gradove,
- Usluge stručnog pratioca grupe tokom putovanja i boravka u Italiji i kompletnu organizaciju putovanja

CIJENA NE OBUHVATA:

- Ketering tokom leta (let traje samo cca 1 sat i 30 minuta!)
- PZ osiguranje 10,00 KM (za osobe do 65g), 20,00 KM (za osobe od 65-70g)
- Fakultativni izleti (Pompeji + Vezuv 120,00 KM EUR, izlet na Amalfijsku obalu - 140,00 EUR, izlet na Capri – 195,00 KM), plaćaju se u agenciji prije polaska

Minimum za realizaciju izleta: 30 putnika

- Ulaznice u objekte od interesa koje nisu navedene u programu, vožnje žičarom i sl.
- Boravišna taksa koja se plaća na recepciji hotela ili kod vodiča (3-5,00 EUR po osobi po noćenju),
- Doplata za jednokrevetnu sobu 295,00 KM.

Napomene:

- **Kod charter letova moguća je promjena satnice u polasku i u povratku. Agencija zadržava pravo promjene satnice leta ili promjene avio prijevoznika u slučaju nepredviđenih okolnosti. U slučaju kašnjenja letova u odlasku ili u povratku isključivu odgovornost snosi avio kompanija**
- Putnici na ovom putovanju obavezni su imati biometrijski pasoš sa datumom važenja minimum 3 mjeseca od planiranog datuma povratka sa putovanja
- Sa uplatom akontacije (minimum 30%), putnik prihvata i Opće uslove putovanja Organizatora putovanja
- Agencija zadržava pravo promjene rasporeda fakultativnih posjeta uslijed nepredviđenih okolnosti.
- Izlet Vezuv i Pompeje uključuje autobuski prijevoz, usluge vodiča za razgledanje Pompeja i ulaznicu u Pompeje. U slučaju lošeg vremena moguće je da će dio izleta koji se tiče uspona na Vezuv morati biti otkazan, ili odgođen
- Izlet na Capri uključuje bus prijevoz u/iz luke, trajektni prijevoz Napulj-Capri-Napulj, usluge vodiča, uslugu javnog bus prijevoza na Capriju
- Izlet Amalfi uključuje bus prijevoz i usluge vodiča (ulaznice nisu uključene u cijenu)
- Kategorizacija hotela odgovara službenoj kategorizaciji na destinaciji.
- Uz rezervaciju obavezna slika pasoša (stranice sa ličnim podacima)
- Putovanje je garantovano
- Završna obavijest o putovanju dostaviće se putnicima 3-5 dana prije putovanja